



# Općina Bosanska Krupa – 4. mjesto

Općina Bosanska Krupa zauzima 4. mjesto u prvom krugu formiranja rang liste Indeksa rada općina, ostvarujući ukupnu ocjenu od 49,0 od mogućih 100 poena.

Segment "Transport" ima najbolju ocjenu, sa ostvarenih 100,0 od mogućih 100 poena, a što je rezultat prepuštanja ovog segmenta javne usluge privatnom sektoru. Međutim, i druge općine koje su uključene u prvom krugu formiranja Indeksa rada općina imaju isti rezultat u ovom segmentu djelovanja, tj. sve četiri općine su ovaj segment prepustile privatnom sektoru. Sljedeći najbolje ocijenjeni segment je "Budžet", sa ostvarenih 72,0 od 100 poena, a što je rezultat minimiziranja poreznog opterećenja po glavi stanovnika općine, minimiziranja zaduženosti općine, te maksimiziranje sprovođenja javnih nabavki putem otvorenih tendera. Poređenja radi, prihod općinskog budžeta po glavi stanovnika Općine Novi Travnik iznosi 317,89 KM, što je recimo puno manje u odnosu na Općinu Kakanj, čiji prihod iznosi 601,98 KM po glavi stanovnika. „Zdravstvo“, također ima relativno nisku ocjenu, što je rezultat nepostojanja procesa eksterne evaluacije rada javnih zdravstvenih institucija, i relativno malim udjelom privatnih distributera zdravstvene zaštite. Međutim, ovo je problem i u ostalim općinama koje su uobzirene u analizi, tako da Općina Bosanska Krupa ne odudara od prosjeka. Također slaba ocjena je dodijeljena u segmentu „Ulaganje i razvoj“, a razlog su nizak broj investicija i poslovnih subjekata po glavi stanovnika.




## Uslovi za stanovništvo

Bosanska Krupa (64,4)    Prosjeak (69,4)




### Primjer dobre prakse - Održavanje zajedničkih prostorija

Općina Bosanska Krupa je organizaciju održavanja zajedničkih prostorija u potpunosti prepustila privatnom sektoru i time stanovnicima omogućila izbor izvođača i kvalitet i cijenu usluge prepustila tržišnoj utrci.



### Primjer loše prakse - Usluga prikupljanja i odvoza otpada

Kao i u drugim općinama, i u Općini Bosanska Krupa uslugu prikupljanja i odvoza otpada organizuje javno preduzeće. Međutim, za razliku od drugih općina, javno preduzeće Općine Bosanska Krupa posluje sa gubikom, i ima relativno skuplju cijenu za pružanje svojih usluga.



## Uslovi za investitore


Bosanska Krupa (47,1)    Prosjeak (56,2)

Primjer dobre prakse:  
Nema dobrih primjera.



### Primjer loše prakse - StartUp

Organizacija registracije obrta i preduzeća u Općini Bosanska Krupa nije unapređena u oblik one stop shopa. Također, indikator o broju novoosnovanih obrta i preduzeća na hiljadu stanovnika je relativno nizak.




## Načela dobrog upravljanja

Prosjeak (46,8)    Bosanska Krupa (52,0)



### Primjer dobre prakse - Upravljanje imovinom

Općina Bosanska Krupa je jedina općina koja je dostavila informacijom o ukupnom građevinskom prostoru koje je u općinskom vlasništvu. Općina je bila izložena kontrolnoj evaluaciji, nije proglašena krivim za kršenje zakona ili neke administrativne regulacije, i ima relativno nizak procent neodgovorenih zahtjeva poslanih od strane građana.



Primjer loše prakse:  
Nema loših primjera.